

Kela[®]



Mánnábearrašat

Oanehaččat ja čielgasit | 2024

Lapsiperheet | Pohjoissaame

Sisdoallu

Kela doarjagat mánnábearrašii	3
Mánná šaddamin	6
Vánhemiidbeaiveruđat bearašfriijaid áigge	8
Mánáiddikšuma doarjagat bearašfriijaid maŋŋá	16
Jos mánná buohccá	21
Ealihandoarjja	22
Ohcan ja máksin	24
Ná Kela bálvala	27

Kela doarjagat mánnábearrašii

Dán gihppagis mitaluvvo,
mo Kela doarju mánnábearrašiid.
Kela doarjagiid veahkkin vanhemat sáhttiba leat ruovttus
máná dehálaš vuosttas mánotbajiid áigge.

Čuovvovaš siidduin mitaluvvo dárkileappot,
man ruđalaš doarjaga Kela máksá mánnábearrašii
áhpehisvuodaáigge ja máná riegádeami maŋŋá.

Gihppagis mitaluvvo maiddái,
mo Kela doarju máná dikšuma
ja buhte mánás šaddan goluid.

Gihppaga loahpas leat dieđut das,
mo mánnábearraša doarjagat ohccojuvvojit.

Gihpa mitala jagi 2024 dilis.



Lassidiehtu neahta ja telefonna bokte

Kela doarjagiin mitaluvvo
davvisámegillii čujuhusas
www.kela.fi/davvisamegiella

Mánnábearrašiid doarjagiin mitaluvvo
dárkileappot Kela suomagielat siidduin
www.kela.fi/lapsiperheet



Jos dus leat jearaldagat,
sáhtát ringet bálvalannummiri
020 692 206

Gii sáhttá oažžut mánnábearrašiid doarjagiid?

Sáhtát oažžut Kelas mánnábearrašiid doarjagiid, go ásat Suomas fásta.

Jos ásat Suomas dušše oanehaš áigge, it dábálaččat sáhte oažžut Kela doarjagiid. Muhtumin doarjagiid sáhttet oažžut maiddái olbmot, geat orrot eará sajis muhto barget Suomas.

Jos leat ássan olgoriikkain dahje leat fárremin olgoriikkaide, dárkkis Kelas, sáhtátgo oažžut Kela doarjagiid. Fárren Suomas eret dahje oanehut orrun olgoriikkain sáhttá váikkuhit Kela máksin doarjagiidda.

Maid doarjagiid mánnábearaš sáhttá oažžut?

Kela doarjagat mánnábearrašiidda leat

- etniiddoarjja
- vánhemiidbeaiveruđat
 - áhpehisvuodaruhta
 - sierraáhpehisvuodaruhta
 - vánhemiidruhta
 - áhčiidruhta, jos máná rehkenaston áigi lei ovdal 4.9.2022
- mánáidruhta
- mánáiddikšuma doarjagat
 - ruoktodikšodoarjja
 - njuovžilis dikšunruhta
 - priváhta dikšuma doarjja
 - oassedikšunruhta
 - buohcci dahje doaimmashehttejuvvon máná doarjagat
 - ealihandoarjja.

Mánnábearaš sáhttá oažžut maiddái eará doarjagiid

Dárkkis maiddái, sáhtátgo oažžut eará Kela doarjagiid. Eará Kela doarjagat bearrašiidda leat ovdamearkan ássama doarjagat, studeantta doarjagat, vearjogeatnegasa doarjagat, bargguhisvuodadorvu ja buohccámii gullevaš buhtadusat. Dat leat ovdanbuktojuvvon iežaset gihppagiin.



Mánná šaddamin

Jos dudnuide lea šaddamin njuoratmáná, váldde vuos oktavuoda rávvehakkii.

Go áhpehisvuohta lea ovdánan, sáhtát ohcat Kela doarjagiid, dego etniiddoarjaga. Kelas oažžu maidái mánáidruđa, Kela-koartta ja iešguđetlágan doarjagiid máná dikšumii.

Etniitrávvehat bálvala áhpehemiid ja mánnábearrašiid

Jos leat áhpeheapme, váldde oktavuoda rávvehakkii. Rávvehagat leat buresveadjinguovlluid bálvalus, ja dat leat nuvtá. Rávvehagas bearaš oažžu ráđiid áhpehisvuođaáiggi ja riegádahttima várás. Lassin rávvehagas čuvvot eatni ja máná dearvvašvuođadili.

Eadni galgá fitnat rávvehagas dearvvašvuođadárkkistusas áhpehisvuođa álggus, manimustá 18. áhpehisvuođavahkus. Go du áhpehisvuohta lea bistán unnimustá 22 vahku (154 beaivvi), rávvehat addá dutnje áhpehisvuođaduodaštusa. Dárbbašat dan, go ozat Kelas doarjaga.

Etniiddoarjja lea etniidpáhkka dahje ruhtasubmi

Sáhtát ohcat etniiddoarjaga, go áhpehisvuohta lea bistán 5 mánotbaji. Sáhtát válljet etniidpáhkka dahje 170 euro. Etniidpáhkka leat dikšundárbašat ja biktasat njuoratmánái. Sáhtát oažžut Kelas sámegiel vuosttasgirjji etniidpáhkii.

Oza etniiddoarjaga manimustá 2 mánotbaji ovdal rehkenastojuvvon áiggi

Mánáidruhta

Kela máksá juohke mánás mánáidruđa. Mánáidruhta máksojuvvo dábálaččat eadnái, áhččái dahje eará fuolaheaddjái. Máksin joatkašuvvá gitta dan mánotbaji lohppii, go máná deavdá 17 jagi.

Mánáidruhta máksojuvvo mánáid meari mielde:

- ovttá mánás sulaid 95 euro mánotbajis
- guovtte mánás sulaid 200 euro mánotbajis
- golmma mánás sulaid 334 euro mánotbajis
- njealje mánás sulaid 507 euro mánotbajis
- viđa mánás sulaid 699 euro mánotbajis.

Vuolles 3-jahkásaš mánáin máksojuvvo stuorat mánáidruhta 1.4.2024 rájes. Bajádus lea 26 euro mánotbajis.

Oktofuolaheaddji oažžu bajádusa, mii lea sulaid 73 euro mánotbajis.

Mánáidruđas ii mana vearru.

Muitte ohcat mánáidruđa. Sáhtát oažžut mánáidruđa juo ovdal go máná lea riegádan dahje máná riegádeami manná.

Kela-koarta

Go máná riegáda Suomas, diehtu máná riegádeamis manná buohcceviesus álbmotregistarii ja doppe Kelai. Máná oažžu identitehtadovddaldaga.

Go máná lea ožžon nama, Kela sádde ruoktot Kela-koartta dehe buohcoadjokoartta.


Vánhemiidbeaiveruđat bearašfriijaid áigge

Áhpeheapme vânnen sáhtttá álggahit friija juo ovdal go mánná riegáda. Mánná riegádeami maŋŋá goabbáge vânhemat sáhttiba leat ruovttus ovttas mánnáin. Kela máksá dán áiggis vânhemiidbeaiveruđaid, mat dorvvastit bearraša boaduid.



Bearašfriijat ja doarjagat Goas sáhtttá oažžut doarjagiid?

Vulobealde lea govva, mas ovdanbuktojuvvo, man doarjaga Kela máksá vuosttas mánná riegádeami áigge ja mánná bajásšaddadettiin. Gova badjeoasis lea mánná ahki. Ceahkit čujuhit, man ahkemuttus Kela máksá maidge doarjagiid.



* Vânhemat sáhttet oažžut vânhemiidbeaiveruđaid seammaáigásaččat eanemustá 18 árgabeaivvi áigge. Vânhemiidfriija sáhtttá doallat molsašuddi osiin dan rádjai, go mánná deavdá 2 jagi. Friija juhkojuvvo vânhemiid gaskkas. Vânhemiidfriija sáhtttá juohkit mángga oassái ja doallat maiddái vurrolagaid.

Áhpehisvuodaruhta

Áhpeheapme vânnen sáhttá álggahit
áhpehisfriija áramusta 30 árgabeaivve nappo
sulaid 5 vahku ovdal máná árvaluvvon riegádanáiggi.

Áhpehisfriija áigge vânnen oažžu áhpehisvuodaruđa.
Dan máksojuvvo 40 árgabeaivvis nappo sulaid 6,5 vahku.

Sáhtát ohcat áhpehisvuodaruđa,
go áhpehisvuolta lea bistán 154 beaivvi dahje 22 vahku.
Oaččut rávvehagas áhpehisvuodaduodaštusa,
man dárbbášat ohcamuša mielddusin.
Kela máksá áhpehisvuodaruđa maŋálgihitii
eanemustá 2 mánotbáji áigodagas.
Sáhtát ohcat seamma ohcamušain maiddá vânhemiidruđa.

Dárkkis bargoaddis ovdal go ozat doarjaga,
oaččutgo áhpehisfriija áigge báلكká.

Muitte almmuhit bargoaddái áhpehisfriijas
maŋimustá 2 mánotbaji ovdal go álggahat friija.

Sierraáhpehisvuodaruhta

Jos gárttat barggustat suonjardeami,
kemikálaiddahje njoammudávdda vuložin,
sáhtát báhcit eret barggus dalánaga, go leat áhpeheapmin.
Dákkár dilis oaččut sierraáhpehisvuodaruđa.

Máná riegádeami maŋŋá áhpehisfriija
joatkkašuvvá sulaid 1–2 vahku.
Eadnái máksojuvvo dán áiggi áhpehisvuodaruhta.

Vânhemiidruhta

Sáhtát álggahit vânhemiidfriija,
go mánná lea riegádan.
Vânhemiidfriijai sáhttá báhcit juobbágoabbá vânhemiin.
Soai sáhttiba leat friijas maiddá vurohagaidd.

Vânhemiidfriija bistá 320 árgabeaivvi
nappo sulaid 14 mánotbaji.
Goappáge vânhemas lea vânhemiidfriijabeivviin
bealli nappo 160 beaivvi.
Vânnen sáhttá luobahit nuppi vânhemii 0–63 beaivvi
dahje eanemustá 10,5 vahku.

Kela máksá vânhemiidfriija áigge vânhemiidruđa.
Vânhemiidfriija sáhttá doallat molsašuddi osiin
dan rádjai, go mánná deavdá 2 jagi.
Soaba goittotge iežat bargoaddiin vânhemiidfriijain.
Dárkkis bargoaddis ovdal go ozat doarjaga,
oaččutgo vânhemiidfriija áigge báلكká.
Jos oaččut báلكká,
Kela máksá vânhemiidruđa bargoaddá.

Jos bearaš oažžu jumežiidd,
Kela máksá vânhemiidruđa 84 árgabeaivvi
dahje sulaid 14 vahku lasi.

Jos vânnen fuolaha mánás okto,
son sáhttá geavahit buot 320 árgabeaivvi ja
leat guhkit áigge vânhemiidfriijas.
Son sáhttá luobahit nuppi olbmui, gii dikšu máná,
eanemustá 126 vânhemiidruhtabeaivvi.
Gáibádussan lea, ahte mánás ii leat nubbi nannejuvvon
vânnen iige vânhemis leat beallelaš,
gii sáhtášii oažžut vânhemiidruđa.

Oza vanhemiidruđa áiggil.

Kela máksá vanhemiidruđa maŋálgihiti
eanemustá 2 mánotbaji áigodagas.

Oza vanhemiidruđa maidđái dan áigodagas,
mas du bargoaddi máksá dutnje bálkká.

Oassevánhemiidruhta

Jos divššut máná oasi beaivvis ja barggat oasseáigásaččat,
sáhtát oažžut oassevánhemiidruđa.

Oassevánhemiidruhta lea bealli dievasmearálaš
vánhemiidruđas.

Sáhtát oažžut oassevánhemiidruđa,
jos barggat eanemustá 5 diimmu beaivvis.
Go leat oassevánhemiidfriijas ovtta beaivvi,
dus gollá bealli vanhemiidruhtabeaivvis.

Doarjja adopšuvdnavánhemiidda

Kela doarju adopšuvdnamáná vanhemiid measta seamma
láhkai go biologalaš vanhemiid.

Adopšuvdnavánhemat eaba sáhte oažžut áhpehisvuodaruđa,
muhto sii oažžut vanhemiidruđa oktiibuot 320 árgabeaivvi.
Vanhemiidruhta sáhtát máksojuvvot dan beaivvi rájes,
go oaččut adopšuvdnamáná dikšui.

Jos adopteret máná olgoriikkas,
de sáhtát ohcat Kelas ruđalaš doarjaga adopšuvnna goluide.

Áhčiidruhta

Dát siidu guoská du bearraša, jos

- máná árvaluvvon riegádanáigi lei ovdal 4.9.2022
- válddiide adopšuvdnamáná dikšui 30.7.2022
dahje dan ovdal.

Jos mánná riegádii dahje adopšuvdnamánná válđojuvvui dikšui
maŋelis, máná nubbi vānhen sáhtát oažžut vanhemiidruđa.

Loga vanhemiidruđas siiddus 11.

Áhčči sáhtát doallat áhčiidfriija
oktiibuot eanemustá 54 árgabeaivvi dahjege sulaid 9 vahku.
Kela máksá áhčiidfriija áigge áhčiidruđa.

Áhčči sáhtát leat áhčiidfriijas 1–18 árgabeaivvi
nappo eanemustá 3 vahku seamma áigge,
go eadni lea luomus.
Sáhtát doallat dán oasi áhčiidfriijas hávil
dahje juohkit dan eanemustá njealje oassái.

Jos leat juo doallán 18 árgabeaivvi friija,
sáhtát doallat vel 36 árgabeaivvi lasi.
Sáhtát doallat daid dan maŋŋá,
go vanhemiidruhta lea nohkan.

Sáhtát doallat friija hávil dahje guovtte oasis.
Jos it leat vel doallan olláge friija,
sáhtát doallat visot 54 árgabeaivvi hávil.

Jos bearaš oažžu jumežiid,
Kela máksá áhčiidruđa vel 18 árgabeaivvi lasi.
Dáid beivviid sáhtát doallat oktanaga etniin
dahje vanhemiidruđa nohkama maŋŋá.

Doala áhčiidfriija ovdal go mánná lea 2 jagi.
Sáhtát ohcat áhčiidruđa máhccevaččat.
Oza áhčiidruđa goittotge
ovdal go mánná deavdá 2 jagi ja 2 mánotbaji.

Almmut bargoaddái áhčiidfriijas manjimustá
2 mánotbaji ovdal go friija álgá.
Jos friija bistá 1–12 árgabeaivvi,
lea doarvái, ahte almmuhat das ovtta mánotbaji ovddalgihtii.
Sáhtát ohcat áhčiidruđa maiddá,
jos leat ovdamearkka dihte fitnodatdoalli, bargguheapme
dahje studeanta.

Man olu doarjaga oažžu?

Vánhemiidbeaiveruðaid mearri rehkenastojuvvo
jahkeboaduid vuoðul.
Jahkeboadut oaivvildit du boaduid 12 mánotbaji áigodagas.

Jos sáhtát oažžut doarjaga ovdamearkan miessemánu 2024 rájes,
Kela rehkenastá doarjaga meari daid boaduid vuoðul,
maid don leat ožžon 1.4.2023–31.3.2024.

Doarjja lea álo unnit go bálká.
Dábálaččat dat lea sulaid 70 proseantta boaduin.

Doarjagii váikkuha maiddá dat,
jos leat studeren dahje leamašan buozus dahje bargguheapmin.
Unnimus doarjja lea 31,99 euro beaivvis
dahje sulaid 800 euro mánotbajis.
Ovdamearkka dihte studeanta oažžu dán veardde doarjaga.

Vánhemiid beaiveruðain manná vearru.

Bargái čoggo ealáhat ja jahkeluopmu dan áigodagas,
go son lea vánhemiidfriijas.

Jos oaččut vanhemiidfriija áigge bálká,
Kela máksá doarjaga bargoaddá.



Mánáiddikšuma doarjagat bearašfriijaid maŋŋá

Vánhemiidfriija maŋŋá
dahje vánhemiidruhtabajiid gaskkas sáhtát

- oažžut ruoktodivššu doarjaga,
jos mánná ii oassálastte gieldda árrabajásgeassimii
- oažžut ruoktodivššu dahje priváhta divššu doarjaga,
jos mánná oassálastá priváhta árrabajásgeassimii.

Sáhtát maiddáai oažžut njuovžilis dikšunruđa,
jos barggat eanemustá 30 diimmu vahkus
eaige dutnje máksojuvvo vánhemiidbeaiveruđat.
Mánáiddikšuma doarjagat eai máksojuvvo
vuolled mánotbaji áiggis.

Ruoktodikšodoarjja

Ruoktodikšodoarjaga sáhtát ohat,
jos vuollil 3-jahkásaš mánná dikšojuvvo eará sajis
go gieldda árrabajásgeassimis, ovdamearkan ruovttus.
Dikšun sáhtá leat máná vánhén dahje gii nu eará,
ovdamearkan áhkku, áddjá dahje bálkáhuvvon dikšu.

Sáhtát oažžut ruoktodikšodoarjaga,
go máná riegeadeamis lea gollan 160 árgabeaivvi.
Dalle mánná lea sulaid 6 mánotbaji áhkásaš.

Ruoktodikšodoarjaga ii sáhte oažžut,
jos mánná lea gieldda árrabajásgeassimis.
Ruoktodikšodoarjja sisttisdoallá dikšunruđa ja dikšunlasi.
ležat ruovttugiella sáhtá dan lassín máksit gielddalasi.

Dikšunruhta lea

- sulaid 378 euro mánotbajis
ovtta vuollil 3-jahkásaš mánás
- sulaid 113 euro mánotbajis jokaisesta
juohkehaš eará bearaša vuollil 3-jahkásaš mánás
- sulaid 73 euro mánotbajis juohke badjel 3-jahkásaš
muhto vuollil skuvlaahkásaš mánás.

Dikšunlasi oažžu dušše ovtta mánás
ja dat lea eanemustá sulaid 202 euro mánotbajis.
Dikšunlasi mearri lea sorjavaš vánhemiid bođuin.

Muhtun gielddat máksit ruoktodikšodoarjaga lassín gielddalasi.
Jeara ruoktogielddastat dahje Kelas,
sáhtátgo oažžut gielddalasi.

Ruoktodikšodoarjagis gesso vearru.

Priváhta dikšuma doarjja

Sáhtát oažžut priváhta dikšuma doarjaga,
jos máná divššus vástida bálkáhuvvon dikšu
dahje priváhta árrabajásgeassinbáiki.
Priváhta dikšuma doarjaga sáhtá oažžut,
jos mánná lea deavdán 9 mánotbaji,
muhto lea ain vuollil skuvlaahkásaš.
Doarjaga ii sáhte oažžut,
jos mánná lea gieldda árrabajásgeassimis.
Priváhta dikšuma doarjagii gullet dikšunruhta ja dikšunlassi.
Du ruovttugiella sáhtá dán lassín máksit gielddalasi.

Dikšunruhta lea sulaid 192 euro mánotbajis.
Jos mánná lea ovdaoahpahusagis
ja árrabajásgeassimis oasseáigásaččat,
dikšunruhta lea sulaid 71 euro mánotbajis.

Dikšunruđa lassin sáhtát oažžut dikšunlasi.
Dat lea eanemustá sulli 266 euro mánotbajis.
Dikšunlasi mearri mearrašuvvá boaduid vuodul.
Jos oaččut unnit dikšunruđa,
de maiddái dikšunlassi lea uhcit.

Kela máksá priváhta dikšuma doarjaga
bálkáhuvvon dikšui dahje árrabajásgeassinbáikái.

Priváhta dikšuma doarjagis gesso vearru.

Njuovžilis dikšunruhta

Sáhtát oažžut njuovžilis dikšunruđa,
jos barggat eanemustá 30 diimmu vahkus
ja eará áiggiid divššot mánát.
Kela máksá njuovžilis dikšunruđa vuollil 3-jahkásaš mánás.

Njuovžilis dikšunruđa sáhtá máksit goappáge vánhemi.
Dalle goabbáge vánhen galgá bargat
oanehut bargobeavvi go dábálaččat.
Soai galgaba dikšut máná sierra áiggiid dahje sierra beivviid.

Njuovžilis dikšunruhta máksojuvvo bargoáiggi mielde.
Dikšunruhta sáhtá leat juogo sulaid 269 euro mánotbajis
dahje sulaid 179 euro mánotbajis dan mielde,
man olu gaskamearálaččat barggat vahkus.

Kela máksá njuovžilis dikšunruđa ovtta vánhemi ain hávil
ja dušše ovtta mánás.

Njuovžilis dikšunruđas gesso vearru.

Oassedikšunruhta

Sáhtát oažžut oassedikšunruđa,
go leat barggus eanemustá 30 diimmu vahkus
máná dikšuma geažil.
Kela máksá oassedikšunruđa mánás
guhte lea 1. dahje 2. luohkás skuvllas.
Oassedikšunruhta lea sulaid 108 euro mánotbajis.
Das gesso vearru.

Kela máksá oassedikšunruđa ovtta vánhemi ain hávil
ja dušše ovtta mánás.

Seamma vánhemi ii sáhte máksit oktanaga
oassedikšunruđa ja njuovžilis dikšunruđa.



Jos mánná buohccá

Jos du mánná buohccá,
de sáhtát doalvut su dearvvasvuodaguovddáži
dahje priváhta doaktárii.

Kela buhtte oasi priváhta doaktára mávssuin.
Lassin Kela buhtte oasi dálkasiid hattis.
Dearvvasvuodaguovddáža divššu Kela ii buhtte.

Gaskaboddasaš dikšunfriija

Jos vuollil 10-jahkásaš mánná buohccá fáhkka
ovdamearka dihte nurvui ja feberii,
de sáhtát báhcit eret barggus dikšut su.
Dát gohčoduvvo gaskaboddasaš dikšunfriijan.

Gaskaboddasaš dikšunfriija lea eanemustá 4 beaivvi.
Eanaš bargoadit mákset
gaskaboddasaš dikšunfriija áigge bálkká.
Kela ii mávsse doarjaga dán áiggis.

Lossadit buohcci dahje doaibmaváttot máná dikšun

Kela doarju lossadit buohcci dahje doaibmaváttot
máná divššu.

Kela doarjagat ja bálvalusat leat

- sierradikšunruhta vánhemi,
- guhte dikšu vuollil 16-jahkásaš máná
- vuollil 16-jahkásačča doaimaváttolašvuodadoarjja
- lossaváttot medisiinnalaš veajuiduhttin.

Daid birra mitaluvvo čuovvovaš brošyrain:

- Buohcan ja doaibmaváttolašvuodadoarjagat
- Veajuiduhttin.

Ealihandoarjja

Jos vanhemat earráneaba, soai sáhttiba mearridit,
ahte mánát báhcet orrut dušše nuppiin vanhemiin.
Dalle dat vánhén, gean luhtte mánná ii oro,
máksá ealihanveahki vanhemi, gean luhtte mánná orru.
Vánhén, gean luhtte mánná ii oro, gohčoduvvo
ealihangeatnegassan.

Muhtumin ealihangeatnegas ii mávsse ealihanveahki
dahje ealihangeatnegas vánhén ii leat.
Dalle Kela sáhtta máksit ealihandoarjaga dan vanhemi,
geainna mánná ássá.

Kela máksá ealihandoarjaga, jos

- ealihangeatnegas vánhén ii leat máksán ealihanveahki
- ealihanveahkki lea uhcit go ealihandoarjja ealihangeatnegasa ruhtadili dihte
- dušše okta vánhén adoptere máná
- mánás ii leat nannejuvvon vánhén
- mánás lea nannejuvvon áhčči dahje eadni,
muhto ealihanveahki ii leat sáhttán nannet.

Ealihandoarjja lea sulaid 196 euro mánotbajis máná guovdu.
Ealihandoarjagis ii mana vearru.

Diehtun ealihangeatnegas vanhemi

Jos Kela máksá ealihandoarjaga,
de dat bearrá ealihangeatnegasas mávssekeahttä báhcán
ealihandoarjagiid.
Dat gohčoduvvojit ealihandoarjjavealgin.

Jos it nagot iežat ruhtadili dihte máksit ealihandoarjjavealggi Kelai,
sáhtát ohcat Kelas máksinfriija.



Ohcan ja máksin

Oza buot mánnábearrašiid doarjagiid neahtas:

www.kela.fi/neahtas

Dárkkis ohcamušas,
mat čuvvosat das galget leat mielde.
Čuvvosiid sáhtá maiddái sáddet neahta bokte.

Sáhtát ohcat doarjaga maiddái skoviin,
man oaččut Kela doaimmahagain ja neahtasiidduin:

www.kela.fi/skovit

Kela poastačujuhhus lea

Kela

PL 10

00056 KELA

Sáhtát dikšut eanaš Kela-áššiid maiddái telefovnnas.

Go Kela lea gieđahallan du ohcamuša,
oaččut ruoktot mearrádusa.
Mearrádusas mitaluvvojit ealáhaga dahje doarjaga mearri,
ákkastallamat ja máksinbeaivi.
Oaččut mearrádusa maiddái dalle,
jos dutnje ii leat mieđihuvvon ealáhat dehe doarjja.

Kela máksá doarjagiid du bânkokontui.

Mánáidruhta bohtá kontui dábálaččat
mánobaji 26. beaivvi.
Jos bânkkut leat dalle gitta
dahje jos máksinbeaivi lea bassebeaivvi maŋŋá,
mánáidruhta bohtá kontui juo árabut.

Almmut, jos du dilli nuppástuvvá

Jos du eallin nuppástuvvá,
dat sáhtá váikkuhit Kela doarjagiidda, maid don oaččut.
Nuppástus sáhtá guoskat ovdamearkka dihte ássama,
boaduid, bargama dahje bearraša.

Muitte almmuhit nuppástusain Kelai.
Sáhtát dahkat dan neahtas, telefovnnas dahje doaimmahagas.

Dus lea ovddasvástádus iežat bealis sihkkarastit,
ahte Kelas leat rivttes dieđut.
Dalle dutnje máksojuvvon doarjaga mearri lea riehta.

Jos mearrádusas lea feaila

Jos leat dan oaivilis, ahte Kela mearrádusas lea feaila,
sáhtát ohcat nuppástusa mearrádussii.

Oaččut mearrádusa mielde rávvagiid das,
mo nuppástus ohccojuvvo.


Jos dus leat jearaldagat,
váldde vuos oktavuoda Kelai.



Neahtas sáhtát

- ohcat doarjagiid
- sáddet čuvvosiid
- dárkkistit iežat ohcamuša dili
- sáddet dieđuid
- almmuhit nuppástusain
- heahtit doajjaga.

Muituimerkejumit

This image shows a blank sheet of white paper with horizontal blue or grey ruling lines. The lines are evenly spaced and run across the width of the page. In the top right corner, there is a small, stylized black-and-white illustration of a pencil pointing towards the bottom left. The overall appearance is that of a clean, unused piece of stationery.

Ná Kela bálvala

Neahtas

Loga Kela doarjagiin sámegillii:

www.kela.fi/davvisamegiella

Rehkenastte doarjaga meari:

www.kela.fi/laskurit

Divššo áššiid neahtas:

www.kela.fi/neahtas

Sisačálit neahttabálvalusaide

MuKelai (OmaKela) ja áigevárremii galgá sisačálihit.

Dárbbašat bânkodovddaldagaid
dehe mobiilanannema.

Veahkki áššiid dikšumii

Gáiddusbálvalusas oaččut
persovnnalaš rávvema ja bagadeami:
www.kela.fi/gaiddusbalvalusas

Sáhtát addit nuppi olbmui

lobi dikšut du Kela-áššiid:

www.kela.fi/assiid-diksun-nuppi-olbmo-beales

Bálvalanbáikkis

Dárkkis čujuhusaid ja rabasáiggiid:

www.kela.fi/doaimmahagas

Telefoynna bokte

Davvisámegielaat telefonbálvalus

Rabas vu-be diibmu 9-11.

020 634 2894

Sáhtát sáddet Kelai rávdnjepoastta
ja bivdit, ahte dutnje váldojuvvo
oktavuohta:

saame@kela.fi

Eará bálvalannummirat

Rabas vu-be diibmu 9-16.

Áigáiboahhtindoarjja.....020 692 207

Ássan.....020 692 210

Bargguhisvuohta.....020 692 210

Bearran020 634 4940

Buohcan ja koarttat.....020 692 204

Ealáhagat.....020 692 202

Riikkaidgaskasaš dilit
(vu–be dmu 10–15).....020 634 0200

Studeren ja vearjo-
geatnegasvuohta.....020 692 209

Vánhenvuohta.....020 692 206

Veajuiduhttin ja
doaimaváttolašvuoda-
doarjagat.....020 692 205

Ringen ja vuoru vuordin
mákset telefonsoahpamuša
hattiid mielde.

Loga lasi:

www.kela.fi/telefovnain

Kela davvisámegillii

Davvisámegielat neahttasiiddut:
www.kela.fi/davvisamegiella

Davvisámegielat brošyrat:

Almmolaš ássandoarjja

Áigáiboahhtindoarjja

Bargguhisvuohta

Buohcan ja doaibmaváttolašvuodadoarjagat

Ealáhagat ja eará ealáhatoažžu doarjagat

■ **Mánnábearrašat**

Olgoriikkain Supmii dahje Suomas olgориikkaide

Studeanttat ja vearjogeatnegasat

Veajuiduhttin

Davvisámegielat gihppagiid sáhtttá čálihit
Kela neahttasiidduin:
www.kela.fi/brosyrat